



## ARBEIDSPLAN

### HORDALAND NEI TIL EU

**Mars 2020 – februar 2021**

#### **KORT INNLEIING**

Nei til EU står ovanfor store utfordringar framover:

- EØS-avtala medfører stadig vekk unødige pålegg, direktiv, overkjøring av nasjonal sjølvråderett, samt at konsekvensane av det avtala står for representerer ein reell fare for den norske modellen, velferdsstaten og for ein godt fungerande arbeidslivspolitikk.
- EU viser seg meir og meir som ein antidemokratisk og usolidarisk union.
- Opprettinga av over 40 byrå flyttar makt frå demokratiske organ, politikarrolla vert mindre viktig.
- Brexit er ein realitet, korleis skal Norge få på plass gode avtalar?
- Det er framleis skepsis i folket, og blant dei folkevalde, til å seia opp EØS-avtala.
- Me har framleis ei EU- og EØS-venleg regjering.
- Gjennomsnitts-alderen på medlemsmassen aukar.
- Både lokalt og sentralt i organisasjonen er det ei utfordring å få yngre krefter med.

Landet vårt har framleis ei regjering der det er fleirtal for EU-medlemsskap, og ingen vilje til å vurdera alternativ til EØS-avtalen.

Kampen mot Jernbanepakke IV må intensiverast i håp om at nokon i regjeringspartia stemmer mot partiet si linje i denne saka. Diverre er det lite som tilseier at dette skal skje. Energipakke IV skal også handsamast. Denne vil i endå større grad flytta råderetten over kraft- og energipolitikk over til byrå i EU. Medlemstalet held seg stabilt i Hordaland, diverre syner tala for landet totalt ein liten nedgang.

Med dette som bakgrunn, legg Hordaland Nei til EU fram arbeidsplan for det komande året.

Arbeidsplanen vil vera gjeldande frå årsmøtet i mars 2019 og fram til årsmøtet i 2020, meir eller mindre eit år.

Først i planen vil hovudmåla verta presenterte. Deretter vil delmål, samt tiltak knyta til både hovudmåla og delmåla som følgjer av desse, verta presenterte.

## **HOVUDMÅL**

- **Samarbeid med andre engasjerte samfunnsaktørar**
- **Studiearbeit, opne seminar og anna kunnskapsformidling om aktuelle tema i kampen vidare**
- **Stands-aktivitet i Bergen og i distrikta**
- **Verving av medlemmer**
- **Delta i oppfylling av NtEU sentralt sin arbeidsplan**
- **Aktivt og målretta styrearbeid samt utvikling av organisasjonen**
- **Etablera minst eit nytt lokallag kvart år**

## **DELMÅL OG TILTAK**

### ***Samarbeid med andre engasjerte samfunnsaktørar***

#### **DELMÅL:**

- Halda fram med og vidareutvikla kontakten med fagrørsla som viktig alliansepart i kampen vår.
- Utvikla kontakten med dei partia som vil erstatta EØS-avtalen og som tar eit klårt standpunkt mot medlemsskap i EU.
- Delta i arrangement som 8. mars, 1. mai, andre aktuelle møte og demonstrasjonar / markeringar. som har relevans for NtEU- og EØS-saka.
- Prøva å etablera eit tettare forhold til ungdom, både i UmEU og Studentar mot EU.

#### **TILTAK:**

- Vidareutvikla samarbeidet med fagrørsla gjennom felles arrangement om sentrale tema. Ta initiativ til to felles seminar i arbeidsplan-perioden.
- Invitera politikarar på arrangement og utfordra dei til å ta opp aktuelle tema i valkampen mot påverknad frå EU og via EØS-avtala. Delta på politiske arrangement som t.d. årsmøte.
- Delta i 1. mai arrangement i samarbeid med Bergen NtEU og spesielt støtta opp om Bergen NtEU sitt solidaritetsarrangement.
- Støtta opp om kvinnerørsla i arrangement som 8. mars, samt å delta i konferansen Kvinner på tvers og Nei til EU sin eigen kvinnekritiske konferanse.

### ***Studiearbeit, opne seminar og anna kunnskapsformidling om aktuelle tema i kampen vidare***

#### **DELMÅL:**

- Det skal arrangerast studieringar / opne møteseriar to gonger – vår og haust - i arbeidsplanperioden.
- Spreia informasjon om EØS-avtala sin innverknad på politikk, forvaltning, demokrati, folkestyre og maktfordelingsprinsippet.

- Arbeidet med å informera om EU-politikk og konsekvensar av EØS-avtalen skal intensiverast.
- Alternativ til EØS-avtalen skal konkretiserast, klargjerast og formidlast.
- Vera aktive i å innhenta og vidareformidla informasjon om kva som skjer i Storbritannia etter at dei har gått ut av EU.
- Alt informasjonsarbeid skal vera retta mot både medlemmer og folk generelt.

#### TILTAK:

- Tilretteleggja og gjennomføra studieringar /opne seminar.
- Ta initiativet til at lokallag og lokallagskontakter arrangerer kunnskapsformidlings-møter, og støtte opp om slike initiativ.
- Læra opp medlemmer i Nei til EU lokalt til å kunna ta på seg oppdrag som innleiarar mm.
- Reiserunde til eit utval lokallag i fylket i samarbeid med lokallagkontakt og / eller der det finnes, leiaren av lokallaget.
- Gjennomføra seminar med aktuelle tema i samband med årsmøtet.
- Forfatta ein uttale eller eit lesarbrev frå minst fire styremøte perioden.
- Informasjonsarbeid i samband med standsaktivitet. Aktuelle tema er EU-politikk, EØS, handels- og investeringsavtalar, innføring av direktiv frå EU.
- Delta på aktuelle bygdedagar/marknader der kunnskapsformidling om saka er naturleg.
- Delta på møte i andre aktuelle organisasjonar, lag og politiske parti for å halda appellar, dela ut materiell etc.

### ***Verving av medlemmer***

#### DELMÅL

- Vervearbeidet skal omfatta både gjenverving og verving av nye medlemmer
- Talet på medlemmer skal aukast både ved å få nye medlemmer, men også ved å arbeida for at medlemmer som ikkje betaler kontingensten gjer det.
- Arbeidet med å verva medlemmer frå politiske parti og organisasjonar som sympatiserer med oss skal halda fram.
- Delta i aktivitetar knyta til verving som Nei til EU sentralt vedtar.

#### TILTAK

- Det skal gjennomførast minst tre ringjerundar for gjenverving av medlemmer som er i utakt med kontingenettinnbetaling.
- Det skal arrangerast standsaktivitet for nyverging, minst to gonger i arbeidsplanåret.
- Det skal gjerast ein ekstra innsats for å henta inn igjen medlemmer som ikkje betalte i 2019

***Delta i oppfylling av NtEU sentralt sin arbeidsplan.***

#### **DELMÅL:**

- Arbeida aktivt for å spreia informasjon om ulempene med EØS-avtala.
- Deltaking på sentralt arrangerte møte og seminar.
- Kunnskapsformidling i eige fylke for synleggjering av EU sin politikk og konsekvensar av EØS-avtalen.

#### **TILTAK:**

- Styret skal generelt sett halda seg oppdatert om føringar frå NtEU sentralt, og følgja opp der dette er naturleg på fylkes- og lokallags-nivå
- Styret skal vera representert på Fylkesleiarsamlingar, Rådmøte, Landsmøte, og på aktuelle konferansar arrangert av Nei til EU sentralt.

### ***Aktivt og målretta styrearbeid samt utvikling av organisasjonen***

#### **DELMÅL:**

- Det skal vera minst 8 styremøte pr kalenderår
- Det skal arbeidast aktivt for å få til eit meir aktivitets-orientert styre med bidrag frå alle, og for å gjera styreverv i Hordland Nei til EU attraktivt for yngre folk.
- Styret skal styrkja samarbeidet med lokallaga og lokallagskontaktane ved å oppsøkja dei der dei er.
- Styret skal arbeida aktivt for å oppretta minst eit lokallag kvart år.
- Styret har ansvaret for å handtera og eventuelt vidareformidla pålegg og føringar frå NtEU sentralt, og å halda seg oppdatert på det arbeidet som sentralt styre, AU og råd har på dagsorden.

#### **TILTAK**

- Styret skal skaffa driftsmidlar ved å søkja om UD-midlar, søkja om studiestøtte der det er aktuelt samt be om støtte frå allierte lag og organisasjoner.
- Styret skal leggja til rette for at fylkesårsmøta kan finna stad ulike stader i fylket. Det skal likevel takast omsyn til det praktiske og kvar me kan samla mest folk.
- Styret har det overordna ansvaret for å følgja opp arbeidsplanen og å utarbeida rapport, m.a. årsmelding, som synleggjer resultatet av dette arbeidet.
- Styret skal arbeida for å betra kontakten med lokallaga ved å vitja ulike lokallag i årsplanperioden.
- Styret skal arrangera minst eit årleg styreseminar for oppfølgjing av arbeidsplan mm.
- Styret skal halda fram med å ha møtefora med sosialt innhald for å styrka samarbeidet og samhaldet i styret.